


Génesis 3



Adánka ni nuwarin Eva inaikiamiayi.
Evaka mash aintsu nukuri atin
asamtai, tu inaikiamiayi. (Evaka
iwiaaku taku tawai.)



Apu Yus mash najankamia nuna
nangkamasang napi timiá
anangkartin asa, nuwan jeari iniak:
—éNumi ajanam mash nerekar
wajaina nu kichkiksha yuwairap Yus
turamiakuram? —timiayi.




Tama nuwa
ayaak: —Atsa, numi
ajanam wajaina nuna
yurangkenka mash
yuwatnuitji. Antsu Yus iin
chichartamak: Numi aja japen
waja au yurangkenka yuwairap
tura takasairap jakairam
turammaji —timiayi.



3

Tama napi nuwan
chicharak: —Atsa,
jakashtatrumé. Antsu
au yuwarmeka Yusjai
metek pengker aina nuka
tura tunau aina nusha mash
nekaatnuitrumé. Tura Yus
nuna nekau asa
suritramarme,
—timiayi.




4

Tamati nuna antuk, nuwasha numin jijj
pujurmiaiyi. Tura nintimias: —iNekas
shiirmapita! Juna yuwanka Yus neka
nunasha nekaawainjapi —tusa numi
yurangken wakerak akak yuwamiayi.
Tura: —Amesha
yuwata —tusa
aishrincha
susamiayi.



5

Tura nuna yukama, shintarua
nunisarang misu wajainau
wainmamkar, mai higo nukén jukiár
peawartas aparmararmiayi.



6




Tura Yus
nekayat Adánkan
untsuak: —éAishmangkua, tunia pujame? —timiayi. Tama
Adán ayaak: —Ame ajanam wekaamun nekaan, misu asan
shamkartakun anumkajai, —timiayi. Tama Yus iniaik:
—éYa amin misuwaitme turama? éNumi yurangken
yuwaip timiajmena nu yuwachumek? —tu iniasmiayi.

7

Tama Adán ayaak: —Nuwarmijai tsaniasam
pujusta tusam surusmame nu numi yurangken
surusantai yuwajai —timiayi. Tamati Apu
Yus nuwan iniaik: —éWarukamtai
antutskesha yuwame? —timiayi. Tu
iniam nuwa ayaak: —Napi
anangkruamtai yuwajai —timiayi.



8



Nuna turunawai tusa, ii Apuri Yus Adánkan Edén ajanmaya jiiki: Nungka najanamu asa, nungkanam takakmasti tusa akupkamiayi.

9



Nunia numi tuke pujutan sukartinua nuna yurangken aints kichkisha yuwai tusa, tsaá winitinmanini Yus ni awemamurin nanamtin ainau Edén ajanka wainkarti tusa akupkamiayi. Turamtai saapi jiya tumau kapaun takusar peret jintan waikmawar kirtuawarmiayi.

10


Nunia Adánka ni nuwarin japrumtikiamiayi. Turam japruk uchi eemkaurin Caín naartinun jurermiayi. Tura Eva chichaak: —Yus surusu asamtai aishmangkun jurerjai —timiayi. Tura ukunam Evaka Caínka yachiin Abelan jurermiayi.

Abelka tsakar ovejan wainuyayi. Tura Caínka tsakar ajan takauyayi.



11

Tura ukunam Caín Yusen warinak susataj tusa, ningki nintimias ni ajarinia arak ainaun juuk: —Ainchiksha Yusen susataj —tusa epeamiayi. Tura Abelsha Yusnasha warinak susataj tusa, oveja timiá pengkeran nekas jaerun, eemak akiiniaun ainaunka achik maa, Yusen susatas epeamiayi.



12

Turamtai Yus Abelan pengker nintimtusmiayi. Antsu Caínnaka pengkerka nintimtuschamiayi, tura ni susamurinka jiis, pengkerka awajsachmiayi. Tura asamtai Caínka napchau nintimiar yachiin kajerkamiayi.



13

Yuska tamaitiat jumchik arus Caín yachiin chicharak: —Ajanam iijai wemi —timiayi. Tamati Abel ayu tusa yachiijai ajanam wemiayi. Tura jea Caín yachiin awati maamiayi.



14

Caín yachiin mau asantai Yus Caínkan iniak:
 —¿Yachim tuning puja? —tu iniam Caín ayaak: —Chaa,
 nekatsjai. ¿Wikia yatsurun wainukitaj? —timiayi.
 Tura Caín Yusjai chichas Edénnumia
 jiinki, tsaa winitinmanini nungka
 Nod tutainum pujustas wemiayi.




15

Nunia Adánka nuwari Eva ataksha japruk, chikich
 uchin jurermiayi. Tura nintimias: Caín nii yachiin
 Abelan mau asantai, yamaikia Yus chikich
 uchin surusi tusa, uchirin Set inaikiamiayi.



16

Tura Set akiinamia nuni Adán ochocientos musach
 pujumiayi. Tura asa uchiri ainaun yajutmar, nawantri
 ainauncha nawantrumramiayi. Tura mash
 irumram Adánka novecientos treinta
 musach pujus jakamiayi.



17

Tura aints juun tunaun unturi turinak, tuke
 tunau nintimsar pujuinau asaramtai, Apu Yus
 nintimias: —Pengké nangkami aintsun
 najanamiyajai —tusa, wake mesek
 chichaak: —Aints ainaun tura
 pachim ainaun, tura kuntin
 ainauncha, tura netsepejai



wekain
 ainauncha
 tura nanamtin
 ainauncha mash
 amuktatjai.

18

¿Warukanak aintsarang arti tutsuksha
 najankaya? iNunaka pengké
 nakitajai! —timiayi.




19

Antsu Noéka Yusen pengker nintimas umirkau
 asantai, wait anentramiayi. Noé uchiri tres
 armiyai. Nuka Sem, nunia Cam, nunia
 Jafet armiyai.



20



Yus mash nungkanmaya ainautin timiá anengkratu asa, ni uchirin kichkinak akupturmakmiaji. Tura asamtai mash nekasampita tusar, nintimtin ainauka tukeka mengkakachartin ainawai, antsu tuke Yusnum iwiaaku pujusartin ainawai.

2

60

21

Romans 3:23 Aints ainautikia tuke mash tunaarintin ainiaji. Tura asar Yus pujamunmaka jeachminuitji.

Romans 6:23 Tura asamtai nunasha tajarme: Tunau akikringkia jataintai. Antsu ii Apuri Cristo Jesús ni aintsri ainauti tunaarin sakturmaru asamtai, Yus iin wait anentramak pujut nangkankashtinun akikchaujai suramsatnuitji.

Hebrews 9:27 Ii jakatin kinta jeamtai, aintstisha jakatin ainiaji. Antsu nuniangka pengké jakashtinuitji. Tura jaakrincha, Yus aintsti turamunka mash nekaatnuitai.

22

Ephesians 2:8,9 Tura atumsha Cristo nekasampita tau asakrumin, Yus wait anentramak atumniasha tunaanumia uwemtikramramiarume. Antsu atumkeka nuka turunachmiarume. Antsu Yuska ningki wakerak kuikiachujai turamiayi. Aints ningkikia uwemrachmin ayat, ni pengker takaamurijai tunaanumia uwemramnawaitkunga: Wiki tunaanumia uwemrawaitjai, tumamtinuitai. Antsu aints kichkisha tuuka uwemrachmin asamtai, Yuska atumniaka ningki wakerak tunaanumia uwemtikramramiarume.

Romans 10:9,10 Tura asamtai Yus ni Uchirin Jesúsán jakamunmaya inankimia nu nintimtakum, tura jangkemjai: Jesús nekasampi wina apuruita takumka tunaanumiangka uwemratatme. Tura asamtai Jesucristo nekasampita tu nintimtakminkia, Yus aminka pengkeraitme turamtatui. Tura jangkemjai Jesucristo wina apuruita takumka uwemratatme.

23

John 3:16,17 Yus mash nungkanmaya ainautin timiá anengkratu asa, ni uchirin kichkinak akupturmakmiaji. Tura asamtai mash nekasampita tusar, nintimtin ainauka tukeka mengkakachartin ainawai, antsu tuke Yusnum iwiaaku pujusartin ainawai. Yuska aints ainautin mengkaakarti tusangka ni Uchirinka akupturmakchamiaji. Antsu mash aints ainautin uwemtikramratas ni Uchirin akupturmakmiaji.

1 John 5:11-13 Tura Yus ni Uchirin pachis iin ujatmaji nuka nuwaitai: Wina Uchir tuke iwiaaku pujau asamtai, atumsha nijai tuke tsaniasrum iwiaaku pujustinuitrume iinka turamji. Yuse Uchirin nintimsar pujuinauka tuke Yusnum iwiaaku pujusartin ainawai. Antsu Yuse Uchirin nintimsuk pujuinauka tuke Yusnum iwiaakuka pujuschartin ainawai. Yuse Uchiri nekasampita tusaram nintimtusum pujau asaram, tuke Yusnum iwiaaku pujustinuitrume. Nu nekaataram tusan, ju chichamnaka atumin aatjarme.

24

Génesis 3 - 6

Storyline by: Edward D. Hughes

Illustrated by: Byron Unger, Lazarus and Alastair Paterson

Adapted by: M. Maillot; Tammy S.

Achuar Bible (acu) © 2019, Wycliffe Bible Translators, Inc. All rights reserved.

<https://live.bible.is/bible/ACUTBL/PSA/1>

©2024 Bible for Children, Inc.
www.M1914.org www.bibleforchildren.org

25

26